

ALANGKAH ELOK PERTUBUHAN-PERTUBUHAN ISLAM DI SINGAPURA BERSATU PADU?

Dalam suratnya kepada “Qalam” yang telah ditulis oleh Tuan Tanṭāwī utusan Palestin, di Padang Terbang pada hari beliau meninggalkan Singapura, berkata antara lain-lain:


“Hajat saya hendak menulis panjang berkenaan sambutan-sambutan yang baik yang kami dapati dalam masa beberapa hati kami berada di sini, tetapi sayang tidak dapat saya melainkan hanya beberapa minit ini di perhentian terbang yang di dalamnya saya tulis sepatah dua ini.

“Selama ini saya sangka Singapura ialah sebuah tanah jajahan yang kosong dari tanda-tanda Islam dan semangat kebangsaan tetapi apakala kami tiba di negeri ini, terperanjat saya melihat roh keislaman yang berkubur-kubur, budi yang baik yang tidak akan dilupai, sekolah-sekolah Islam yang bertaburan

merata-rata, dan pertubuhan-pertubuhan Islam yang bercambah di sana sini. Alangkah elok kalau pertubuhan-pertubuhan Islam yang banyak itu bersatu padu menjadi sebuah? Kerana orang-orang Islam yang sangat kecil jumlahnya di Singapura tidak harus berpecah-pecah kepada pertubuhan-pertubuhan yang berasing-asing.

Seterusnya Tantawi berkata sebagai penutup:

“Saya harap jika dilorongkan Tuhan dan tiba saya sekali lagi ke sini akan dapat melihat pertubuhan-pertubuhan Islam itu berpadu menjadi satu”. - Wakil Qalam.



A. Gharib Rauf ketua “Perikatan Pemuda Malaya di luar tanah air” sedang berucap dalam suatu majlis perjumpaan Hari Raya di Jakarta baharu-baharu ini.